



O'ZBEKISTON PREZIDENTI RASMIY TASHRIF BILAN BIRLASHGAN ARAB AMIRLIKLARIDA BO'LADI

O'zbekiston Respublikasi Prezidenti Shavkat Mirziyoyev Birlashgan Arab Amirliklari Prezidenti Shayx Muhammad bin Zoid OI Nahayonning taklifiga binoan 13 – 16-yanvar kunlari rasmiy tashrif bilan ushbu mamlakatda bo'ladi.

Tashrif doirasida Abu-Dabi va Dubay shaharlarida uchrashuv va tadbirlar o'tkazilishi ko'zda tutilgan.

Davlatimiz rahbari Amirliklar poytaxtida Prezident Shayx Muhammad bin Zoid OI Nahayon bilan ikki tomonlama muzokaralar o'tkazadi, mamlakatning yetakchi davlat tashkilotlari, kompaniya va banklari rahbarlari bilan uchrashadi, shuningdek, "Abu-Dabi barqaror rivojlanish haftaligi" xalqaro sammitida ishtirok etadi.

Dubay shahrida Birlashgan Arab Amirliklari vitse-prezidenti, Bosh vaziri, Dubay Amiri Shayx Muhammad bin Roshid OI Maktum bilan uchrashuv o'tkazilishi rejalashtirilgan.

Tashrif kun tartibidan O'zbekiston – BAA do'stlik va ko'p qirrali sheriklik munosabatlarini yanada mustahkamlash, investitsiyalar, "yashil" energetika, infratuzilma, raqamlashtirish, sun'iy intellekt, innovatsion rivojlanish, turizm va boshqa ko'plab ustuvor yo'nalishlarda amaliy hamkorlikni kengaytirish masalalari o'rin olgan. Madaniy-gumanitar almashinuvni faollashtirishga alohida e'tibor qaratiladi.

Xalqaro va mintaqaviy siyosatning dolzarb jihatlari ham ko'rib chiqiladi.

Oliy darajadagi muzokaralar yakunida ikki davlat o'rtasidagi keng ko'lami hamkorlikni yanada rivojlantirishga qaratilgan salmoqli kelishuvlar to'plami qabul qilinishi kutilmoqda.

O'ZA.

Davlat dasturi loyihasi — muhokamada

QIZG'IN BAHS-MUNOZARA MUKAMMALLIKNI TA'MINLAYDI

"O'zbekiston – 2030" strategiyasini "Atrof-muhitni asrash va "yashil" iqtisodiyot yilida amalga oshirishga oid davlat dasturi to'g'risida"gi O'zbekiston Respublikasi Prezidenti Farmoni loyihasida ijtimoiy, iqtisodiy, davlat boshqaruvi, sud-huquq, xavfsizlik va tashqi siyosat yo'nalishlarida 2025-yilga mo'ljallangan keng ko'lami islohotlarni amalga oshirish belgilanmoqda.

Xususan, unda aholining salomatligini yaxshilash, ekologik turmush tarzini shakllantirishga shart-sharoitlar yaratish maqsadida "Bir million "yashil" oila" umummilliy harakatini yo'lga qo'yish rejalashtirilmoqda. "Ekofaol fuqaro" maqomini olish uchun aholi orasida yurish va yugurishni targ'ib qilish, "yashil" transportda va velosipedda harakatlanish, plastik mahsulotlardan foydalanishni kamaytirish, oziq-ovqat isrofgarchiligini oldini olish hamda suv, gaz va elektr energiyasi

resurslaridan oqilona foydalanish asosiy mezonlar etib belgilanmoqda. "Ekofaol fuqaro" maqomini olgan kishilar davlat xizmatlaridan foydalanishda 10 foiz chegirma, davlat ulushi 50 foizdan yuqori bo'lgan banklarda iste'mol kreditini olishda chegirma olishlari mumkin. Oilaning barcha voyaga yetgan a'zolari "Ekofaol fuqaro" maqomini olganda ushbu oilaga "yashil" oila" maqomi va har yili loteriyaga orqali 14 ta elektromobil bilan bining egasi bo'lish imkoniyati berilmoqda.

2

AHOLI FAROVONLIGIGA QARATILGAN IJTIMOY TASHABBUSLAR

"O'zbekiston – 2030" strategiyasini Atrof-muhitni asrash va "yashil" iqtisodiyot yilida amalga oshirish bo'yicha davlat dasturi loyihasida 5 ta ustuvor yo'nalishni qamrab oluvchi 295 ta amaliy chora-tadbir, 87 ta normativ-huquqiy hujjat ro'yxati va maqsadli ko'rsatkichlar nazarda tutilmoqda. Quvonarlisi, so'nggi yillarda deputatlar, keng jamoatchilik vakillari hamda ekspertlar tomonidan bildirib kelinayotgan fikr-mulohazalar, taklif va tashabbuslar ham loyihaga kiritilgan.

Davlat dasturi loyihasida milliy taraqqiyotimizning muhim va ustuvor yo'nalishi bo'lgan tibbiyot hamda ta'lim sohalarida boshlangan islohotlarni yangi bosqichga olib chiqishga qaratilgan qator tashabbuslar jamoatchilik muhokamasi uchun taqdim

etilgan. Shu o'rinda aytib o'tish joizki, oxirgi yillarda mamlakatimizda ayni sohalarini rivojlantirish bo'yicha keng ko'lami ishlar amalga oshirildi. Har yilgi davlat dasturlarida bu borada aniq vazifa va maqsadli ko'rsatkichlar belgilandi.

2

Uyg'ovlikka chorlov

Bu bejiz emas. Bugun dunyo o'zgardi. Davlatlar, jamiyatlar, xalqlar o'rtasidagi ishonch tuyg'ulari juda nozikkashib borayotir.

Turli mintaqalarda yuz berayotgan qonli to'qnashuvlardan ko'ngil xira tortadi. Ularning aksariyatida yoshlar, hayotning oqu qorasini

14-yanvar — Vatan himoyachilari kuni

XALQ VA ARMIYA — BIR TANU BIR JON



MUQADDAS BURCH

Oliy Majlis Senatining Mudofaa va xavfsizlik masalalari qo'mitasi raisi Qutbiddin Burhonov ishtirokida Toshkent viloyatining Yangiyo'l tumanida 14-yanvar — Vatan himoyachilari kuni hamda Qurolli Kuchlarimiz tashkil etilganining 33 yilligi munosabati bilan "Xalq va armiya — bir tanu bir jon!" shiori ostida tadbir o'tkazildi. Unda yoshlar o'rtasida tashkil etilgan musobaqalar g'oliblari esdalik sovg'alari va diplomlar bilan taqdirlandi.

Shundan so'ng Yangiyo'l tumanidagi 5-musiqta maktabida Oliy Majlis Senatining Mudofaa va xavfsizlik masalalari qo'mitasi raisi Q. Burhonov, Mudofaa vazirligi huzuridagi Jamoatchilik kengashi raisi, O'zbekiston xalq shoiri I. Mirzaaliyev, tuman faollari hamda yoshlar ishtirokida ma'naviy-ma'rifiy uchrashuv bo'lib o'tdi.

Muloqot davomida mamlakatimizda manfaatdor tuzilmalar, vazirlik va idoralalar hamkorligida yoshlarimizni turli ixtisrlar

ta'siridan asrash, harbiy-vatanparvarlik ruhida tarbiyalashga doir ishlar samaradorligini oshirish masalalari doimiy e'tiborda bo'lishi hayotiy zarurat ekani ta'kidlandi. Bu borada erishilayotgan yutuqlar va galdagi vazifalar xususida ma'lumot berildi.

Ishtirokchilar o'zlarini qiziqtirgan savollarga batafsil javob olish imkoniga ega bo'ldi.

"Xalq so'zi".

JANGOVAR SAFDA — VATAN POSBONLARI

Milliy armiyamiz saflarida xizmat qilish — hayotning daqiqa va soatlarini sarflash bilan emas, insonning umri va borlig'ini to'lalig'icha tikish bilan belgilanadi. Bu muqaddas vazifa nafaqat davlatimiz siyosatida, balki muqaddas libos ichra urib turgan har bir yurakda, har qanday ob-havo va sharoitda kechayu kunduz davom etadi. Yilning to'rt fasli guvoh: harbiy xizmatchilarimiz har qanday mashaqqatli lahzalarda ham qo'yilgan vazifalarni bajarishdan sira chekingan emas.

O'tgan 2024-yil milliy armiyamiz bo'y-bastini har tomonlama rostlatdi, tobladi. Yilboshi fevralda Markaziy harbiy okrug "Forish" tog' poligonida o'tkazilgan batalyon taktik o'quvlarida Mudofaa vazirligi qo'shinlarida jangovar shaylikning qay darajada ekanini kuzatish imkoniyatiga ega bo'ldik. Tarixdan ma'lumki, jangda qo'shin soni emas, uning

tezkor harakatlanishi, jangovar tayyorgarligi va jangchilarning mahorati muhim ahamiyat kasb etgan. Bunday taktik ustublar bugungi kunda brigada, batalyon yoki boshqa bo'linmalar miqyosidagi mashg'ulotlarda sinovdan o'tkaziladi, amaliy ko'nikmalar orqali ko'zlangan maqsadlarga erishiishi ta'minlanmoqda.

4

Oliy Majlis Senatida

"YASHIL" IQTISODIYOT — ISTIQBOLIMIZ

Oliy Majlis Senatining Agrar, suv xo'jaligi masalalari va ekologiya qo'mitasi majlisida "O'zbekiston – 2030" strategiyasini Atrof-muhitni asrash va "yashil" iqtisodiyot yilida amalga oshirishga oid davlat dasturi loyihasi muhokama qilindi.

Ta'kidlanganidek, mazkur dasturda iqtisodiy o'sish, ekologik holatni yaxshilash, suv va boshqa tabiiy resurslardan oqilona foydalanishga alohida e'tibor qaratilgan. Davlat dasturi loyihasida mamlakatimizda ekologik barqarorlikka erishish, "yashil" iqtisodiyotga o'tish, tarmoq va sohalarining uyg'un "yashil transformatsiya"sinu uddalash, iqlim o'zgarishiga moslashish, oqibatlarni yumshatish hamda aholining yashash sifatini yaxshilash va iqtisodiy o'sishning yangi, "yashil rivojlanish" modeliga o'tish bo'yicha ko'plab muhim vazifalar amalga oshirilishi belgilangan.

Ekologik vaziyatni barqarorlashtirishga qaratilgan "Yashil makon" umummilliy loyihasi doirasida har yili 200 million tup ko'chat ekib borish va respublikada yashillik darajasini 30 foizga yetkazish, 1 984 ta yashil bog' barpo etish, 112 ta yirik sanoat korxonasi tomonidan o'z va tutash hududlarida uch yil davomida 30 mln. tup

ko'chatdan iborat "yashil belbog"lar yaratish ko'zda tutilgan.

Respublikada ekologik vaziyatni tubdan yaxshilash, inson hayotiga ta'sir o'tkazuvchi ekologik muammolarni bartaraf etish yuzasidan 14 ta hududda ekologik toza hudud rejimini joriy qilish belgilanmoqda.

"Yashil" energiya texnologiyalarini keng joriy qilish doirasida nasos stansiyalarining elektr energiyasi iste'molini kamaytirish, tejankor quurilmalar o'rnatish, nasos stansiyalarini modernizatsiya qilish, ularning yillik elektr energiyasi iste'molini 30 foizga kamaytirish nazarda tutilmoqda.

Respublikada o'rmon bilan qoplangan maydonlarni 6,1 mln. gektarga, Orolbo'yi mintaqasidagi o'rmonzorlarni 2,3 mln. gektarga yetkazish hamda biologik xilmaxlilik ishonchli saqlanishini ta'minlash yuzasidan 2 mln. gektar hajmda tabiiy yaylov va pichanzorlar o'simliklarini

geobotanik tekshirish har yili amalga oshirilishi belgilanayotir. Atmosferaga chiqarib tashlanayotgan ifloslantiruvchi moddalar miqdorini 10,5 foizga kamaytirish hamda 249 ta sanoat korxonasida lokal oqova tozalash inshootlarini qurish va rekonstruksiya qilish rejalashtirilgan.

Senatorlar tomonidan butun dunyo dolzarb bo'lib borayotgan suv tanqisligining oldini olish, suvdan oqilona foydalanish madaniyatini va suv ishlash samaradorligini oshirish borasida dastur loyihasida belgilangan vazifalar muhim ahamiyat kasb etishi ta'kidlandi.

Qishloq xo'jaligi ekinlarini sug'orishda suv tejaydigan texnologiyalar bilan qamrab olingan yerlarning umumiy maydoni 2 mln. gektargacha hamda suv tejovchi texnologiyalarni ishlab chiqaruvchi mahalliy korxonalarning yillik quvvati 300 ming gektarga yetkaziladi.

Qizg'in muhokama jarayonida senatorlar, ekspertlar guruhi a'zolari hamda mutaxassislar tomonidan davlat dasturi loyihasiga bir qator taklif va tavsiyalar berildi.

"Xalq so'zi".

Oliy Majlis Qonunchilik palatasida

SIFATLI TIBBIY XIZMAT OLISH HUQUQI

Oliy Majlis Qonunchilik palatasining Mehnat, sog'liqni saqlash va ijtimoiy masalalar qo'mitasi tomonidan aholiga qo'shimcha tibbiy yordam ko'rsatish hamda tibbiyot va farmatsevtika xodimlariga kasbiy faoliyatni amalga oshirish tizimini takomillashtirishga qaratilgan qonun loyihasi muhokamasiga bag'ishlangan seminar o'tkazildi.

Uni Qonunchilik palatasi Spikeri o'rinbosari Mavluda Xo'jayeva kirish so'zi bilan ochib, sog'liqni saqlash sohasida olib borilayotgan islohotlar xususida to'xtalib o'tdi.

Ta'kidlanganidek, so'nggi yillarda mamlakatimizda sog'liqni saqlash tizimini isloh qilish, tibbiy xizmat sifatini oshirish, sohaning moddiy-texnika bazasini mustahkamlash, har bir fuqaro uchun yuqori sifattli va malakali tibbiy xizmat tizimini yaratish bo'yicha keng qamrovli ishlar amalga oshirilayotir. Xususan, keyingi yetti-sakkiz yilda sohaga oid 200 dan ortiq qonun hujjatlari qabul qilindi. Yangi tahrirdagi Konstitutsiyada tizimga oid normalar kuchaytirildi. Sog'liqni saqlash tizimini rivojlantirish konsepsiyasi tasdiqlandi. Ushbu hujjatlar sohani kompleks huquqiy tartibga solish, aholiga tibbiy xizmat ko'rsatish sifati va samaradorligini oshirishga xizmat qilmoqda.

Shu bilan birga, tibbiyot va farmatsevtika xodimlarining bilim va ko'nikmalarini muntazam oshirib borish, ularga malaka toifalarini berish tizimini takomillashtirish bo'yicha muayyan ishlar bajarildi. 2021-yildan boshlab shifokorlar uchun har besh yilda malaka toifasini olish bo'yicha majburiy attestatsiyadan o'tish tartibi kiritilgan. Biroq amaldagi tartibga ko'ra tibbiyot xodimi malaka toifasi olish bo'yicha attestatsiyadan o'tmagan taqdirda unga qanday chora ko'rish mexanizmlari mavjud emasdi.

Birlamchi tibbiy-sanitariya yordami muassasalarida kafolatlangan hajmdan ortiqcha aholiga tibbiy xizmat ko'rsatilishi, shuningdek, aholining oilaviy shifokor yoki tibbiyot brigadasi yo'llanmasiz to'g'ridan-to'g'ri tor soha shifokoriga yoki shifoxonaga murojaati asosida tibbiy xizmat ko'rsatilishi haq evaziga amalga oshirilishi qonun bilan aniq belgilanmagan.

2

MAFKURAVIY TO'FONLAR

Bizni ulardan kuchli iroda, birlik va hamjihatlik asraydi

Prezidentimiz yoshlarni harbiy-vatanparvarlik ruhida tarbiyalash, ma'naviy immunitetini mustahkamlash, alloma ajdodlarimiz — Jaloliddin Manguberdi, Amir Temur, Zahiriddin Muhammad Bobur kabi sarkardalarimiz haqidagi bilim va tasavvurlarini boyitish orqali ularni mafkuraviy tahdidlardan muhofaza qilish to'g'risida bot-bot ta'kidlab kelmoqda.

to'la anglamagan, ongu dunyoqarashi g'o'r yigit-qizlar asosiy ijrochi bo'layotgani, ular ba'zi kuchlar qo'lida qo'g'irchoqqa aylangani ma'naviy immunitet masalasi har qachongidan ham dolzarblashganini ko'rsatadi.

Davlatimiz rahbari Oliy Majlis Senatining birinchi majlisidagi nutqida "Buyuk shoir va mutafakkir Pahlavon Mahmud bobomiz aytganlaridek, qadimgi ajdodlar bitta to'fon ko'rgan bo'lsa, bugun biz mingta to'fon ko'rmomodamiz. Chundan ham, biz duch kelayotgan global muammolarning har biri bitta to'fon emasmi?" deya kuyunib gapirgani

har birimizni ogohlik va mushohadaga chorlashi kerak.

Xo'sh, bugungi globallashtirish davrida xalqimizni, xususan, yoshlarimizni mafkuraviy to'fonglardan qanday saqlab qolamiz? Bizga nima kuch, tayanch bo'ladi?

Bu kabi savollarga ham Prezidentimiz o'z nutqida aniq va lo'nda javob berdi: "Mana shunday g'oyat tahliliali vaziyatda biz faqat kuchli iroda, birlik va hamjihatlik, qattiq mehnat bilangina yurtimizda tinchlik va taraqqiyotni ta'minlashga erisha olamiz".

3

XALQ VA ARMIYA – BIR TANU BIR JON



JANGOVAR SAFDA – VATAN POSBONLARI

Qo'shmamizning mudofaa vazirligi "Chimyon" tog' tayyorgarligi o'quv-mashqlar markazida bo'lib o'tgan mashg'ulotlarda yurt o'g'lonlari kunduzgi va tunungi otish, razvedka va aloqa, hududga muvofiq niqoblanish, sharti bemorni favqulodda evakuatsiya qilish, pistirmadan hujum, shartli dushmani qurshab olish, daryodan kechuv, jarlik va daralararo kanat orqali xavfsiz o'tish yo'lini hozirlash kabi o'nlab murakkab jangovar vazifalarni guruh va yakka tartibda ado etildi.

Mashg'ulotlarga singdirilayotgan yangi yondashuvlar Shimoli-G'arbiy harbiy okrugga qarashli "Nukus" umumqo'shin poligonida ham o'z aksini topdi. U yerda cho'l sharoitida jangovar tayyorgarlik mashg'ulotlarini tashkil etish va o'tkazish, majmuaviy mashqlarni bajarish uchun jangovar shaharchalar, turli qurol namunalardan amaliy o'q otish uchun mo'ljallangan chinakamiga universal kompleks shaharcha barpo etildi. Poligon hududidagi o'q otish marralari, o'qotar qurollardan noqulay sharoitlarda nishonni yakson qilish mashqlari avvallari eskicha ko'rinishda o'tkazilgan bo'lsa, bugun taktik usullarga tayangan holda yangi xarakterli manyovra va yondashuvlar asosida olib borilmoqda.

Xalqimizda "Burgutning ko'zidan uradi" degan ibora bor. Sinchi va

merganlarga nisbatan ishlatiladigan bu o'xshatish iyun oyida bo'lib o'tgan Mudofaa vazirligi Merganlari tayyoriash markazi jamoasining natijalarida o'z aksini topdi. Turkiya Respublikasida o'tkazilgan 11 davlatdan 36 ta jamoa ishtirok etgan "Eng ilg'or mergan" xalqaro musobaqasida Turkiya, AQSH, BAA, Ozarbayjon, Pokiston, Bolgariya kabi dunyoning ilg'or armiyalari qatorida yurtimiz harbiylari munosib qatnashdi. Jamoamiz mutlaq g'oliblikni qo'lga kiritdi.

Toshkent harbiy okrugining "Markaz" desantchilar tayyoriash bazasida doimiy ravishda soha mutaxassislarining bilim va malakalarini mustahkamlashga qaratilgan o'quv kurslari tashkil etildi.

Artilleriya davlatimiz xavfsizligining daxlizilgini ta'minlovchi, milliy armiyamizning salohiyatini oshiruvchi qo'shin turlaridan biri sanaladi. Doimiy o'tkazib kelinadigan o'quv mashg'ulotlari jangovar tayyorgarlikni yanada oshirish imkoniyatini beradi. Bu galgi "trevoga" ham Mudofaa vazirligi tizimida faoliyat yuritayotgan artilleriya qo'shinlarining hushyorligini yana bir bor sinovdan o'tkazdi.

Yig'lin nuqtasi Markaziy harbiy okrugining "Kattaqo'rg'on" dala-o'quv maydoni etib belgilandi. "Trevoga" signalidan so'ng Toshkent, Markaziy hamda Janubi-G'arbiy maxsus harbiy okruglardan yo'lga o'tlangan soha mutaxassislari dastavval harbiy

texnikalarni temir yo'l platformasiga yuklashga kirishdi. Temir yo'l bekati, shoxobchasi va aeroporti harbiy harakatlarga tarkibiy bo'limiga mutaxassislar tomonidan yo'riqnomaga o'tilish, harbiy texnika va harbiy yuklarni temir yo'l harakatchan tarkibi (vagon) ga yuklash bo'yicha ko'rgazmali mashg'ulotlar o'tkazildi.

Bu oraliqda Kattaqo'rg'on garnizonidagi harbiy qism shaxsiy tarkibi ham yuqori jangovar shay holatga keltirilib, uzoq masofaga avtoyo'l orqali marsh amalga oshirildi.

2024-yil 27-fevraldagi "O'zbekiston Respublikasi Mudofaa vazirligining professional serjantlar korpusi faoliyatini yanada takomillashtirish chora-tadbirlari to'g'risida"gi Prezident Farmoni bilan Mudofaa vazirligi qo'shinlarida yangi bosh serjant va bosh serjant yordamchisi lavozimlari joriy etildi. Ular serjantlar tarkibiga mansub shartnomaga bo'yicha harbiy xizmatchilar orasidan alohida tanlov asosida saralab olinishi; Temiz garnizoni harbiy xizmatchilarining

Yuqoridagi jarayonlar sanoqning bir qismi, xolos. Sanalmaganlari ortidagi mehnat va mashaqqatning o'zi ham bir tarix. Eng asosiysi, yana bir yil barchamizni shaffof imtihon qildi va biz undan muvaffaqiyatli o'ta oldik. Boshlangan yangi yilda ham bundan-da yuqori va zalvarli cho'qqilarni zabt etishni maqsad qilganmiz!

"Termiz" umumqo'shin poligonidagi o'quv nuqtalarida jismoniy hamda ruhiy zo'rqlash to'siqlarini yengib o'tish, tibbiy tayyorgarlik, aloqa vositalaridan foydalanish, muhandislik nazorati, hudud xaritasi bo'yicha ishlash kabi sinovlarni topshirishi shular jumlasidandir.

Muntazam ravishda o'tkazib kelinayotgan "Kembriya patruli" musobaqasi ham biz uchun ancha omadli keldi. Musobaqalarda 30 dan ortiq jamoalar ishtirok etdi. Har bir jamoa 80 kilometrdan ortiq masofani bosib o'tib, eng murakkab tabiiy va taktik to'siqlarni yengdi. O'zbekiston Mudofaa vazirligi jamoasi yuqori darajadagi professionallik va hamjihatlikni namoyish etib, o'z guruhida 13 ta jamoa orasida birinchi o'rinni egalladi. Yo'l-yo'lakay 4 ta rekordni o'rnatgan jamoani ta'lim va mashq vaqtlarida muvaffaqiyatli qatnashgan jamoasi kumush medalga sazovor bo'ldi.

Zamonaviy sport zali foydalanishga topshirildi

Vatan himoyachilari kuni arafasida Qashqadaryo viloyatining Nishon tumanida joylashgan Janubi-G'arbiy maxsus harbiy okrugga tasarrufidagi harbiy qismda barcha qulaylikka ega sport zali qayta jihozlanib, foydalanishga topshirildi.

Tantanalni marosimda okrug qo'mondonligi, faxriylar, harbiy qism shaxsiy tarkibi, yoshlar va keng jamoatchilik vakillari ishtirok etdi.

Bayramona ruhda o'tgan tadbirida so'z olganlar davlatimiz tomonidan milliy armiyamiz salohiyatini yanada oshirish, harbiy xizmatchilarga shart-sharoitlar yaratish borasida izchil islohotlar olib borilayotgani haqida to'xtalarkan, foydalanishga topshirilgan sport zali sohaga qaratilayotgan yuksak e'tiborning amaliy namunasi ekanini alohida ta'kidlashdi.

Harbiy qism negizida bunyod etilgan maskandan xizmat burchini o'tayotgan askarlar bilan birga Nishon tumani yoshlari ham foydalanishi mumkin. Bu esa "Armiya va xalq – bir tanu bir jon" tamoyilining amaldagi yana bir namoyonidir.

Jadidlar izidan ilm istab

14-yanvar – Vatan himoyachilari kuni munosabati bilan Jizzax va Samarqand viloyatlarining Ma'naviyat va ma'rifat markazlarida "Xalq va armiya – bir tanu bir jon" shiori ostida "Jadidlar izidan ilm istab" mavzuida seminar o'tkazildi.

Tadbirda jadidchilik namoyandalari yirik vakili, o'zbek dramaturgiyasi asoschisi Mahmudxo'ja Behbudiyning avlodlari, Samarqand davlat universiteti professor-o'qituvchilari, davlat va jamoat tashkilotlari vakillari, harbiy xizmatchilar hamda yoshlar ishtirok etdi.

Samimiy savol-javoblarga boy tarzda o'tgan uchrashuvda qatnashchilar jadid bobolarimiz haqida yanada ko'proq ma'lumotga ega bo'ldi.

Bunday tadbirlar yoshlarimizni ma'naviy uyg'oqlik va ogohlikka chorlab, qalblarida ulug' ajdodlarimizga xos azmu shijoat tuyg'ularini yuksaltirishga xizmat qilmoqda.

"Xalq so'zi".

Qurolli kuchlarimiz ijodkorlar nigohida

Mudofaa vazirligi va O'zbekiston Badiiy akademiyasi tomonidan professional hamda havaskorlar o'rtasida ijodiy ishlar ko'rgazmasi va tanlovi tashkil etildi.

Ta'kidlash joizki, 590 nafar muallifning 650 dan ortiq ijodiy ishlari o'rigan olinib ushbu ko'rgazmada milliy armiyamizning bugungi ruhini o'zida aks ettirgan namunalar tomoshabinlar e'tiboriga havola qilindi.

Mazkur tadbirda professional hamda havaskorlardan tashqari barcha kuch tuzilmalari harbiy xizmatchilari, ularning farzandlari, harbiy ta'lim muassasalari kursantlari ham qatnashgani e'tiborga molik.

Hay'at a'zolariga taqdim etilgan rangtasvir, grafika va boshqa yo'nalishlardagi ijodiy ishlar munosib baholandi, g'olib hamda sovindorlar nomlari aniqlandi. Tanlovda yuqori baho olgan suratlar mualliflari tashkilotchilar tomonidan munosib taqdirlandi.

Tantanalni marosimda mukofot, diplom va faxriy yorliqlarni yosh ijodkorlarga O'zbekiston Badiiy akademiyasi raisi Akmal Nuriddinov hamda kuch tuzilmalari mas'ul ofitserlari topshirdi.

"Xalq so'zi".



AVLODLARNI BIRLASHTIRGAN UCHRASHUV

Qurolli Kuchlarimiz tashkil etilganining 33 yilligi hamda 14-yanvar – Vatan himoyachilari kuni bayrami nishonlanishi munosabati bilan yurtimiz bo'ylab o'tkazilayotgan "Vatanparvarlik oyligi" doirasida turli ma'naviy-ma'rifiy, madaniy tadbirlar, uchrashuv va musobaqalar tashkil etilmoqda.



Xususan, Nukus garnizonida joylashgan harbiy qismlardan birida Qurolli Kuchlar faxriylari hamda harbiy xizmatchilar ishtirokida "Faxriylar va yoshlar uchrashuvi" bo'lib o'tdi.

Tadbirga Mudofaa vazirligi tizimida ko'p yillar mobaynida xizmat qilgan, mehnat va hayotiy tajribaga ega faxriylar taklif etildi. Samimiy suhbat chog'ida faxriylar ayni vaqtda armiya safarida xizmat qilyotgan ofitser, serjant va askarlarga bugungi tinchligimiz, oyoqshinligimiz eng oliy nemat ekanini, uni asrab-avaylash har bir fuqaroning muqaddas burchi ekanligini ta'kidlab o'tdi.

Shundan so'ng mehmonlar yurt himoyachilarning ma'naviy kamoloti uchun yaratilgan sharoitlar bilan yaqindan tanishish va suhbat harbiy qism oshxonasida bir piyola choy ustida davom etdi.

SAMO LOCHINLARINI TAYYORLOVCHI MASKAN

Aksariyat bolalar uchuvchi bo'lishni orzu qiladi. Biroq bu sharaflilik kasbni egallash hammaga ham nasib qilavermaydi. Ko'plab chig'iriqlardan o'tish kerak, harbiy uchuvchi bo'lish uchun uzoq vaqt tayyorgarlik talab etadi.

...Tonggi soat 5:00. Xonobod aerodromi.

Manzilga yetib borganimizda kursantlar uchishdoli tayyorgarligidan o'tayotgandi. Hali maydonga quyosh nuri tushmagan. Shunday bo'lsa-da, samolyotlarga yo'nalgan quyuqdan, parvozga shay holatga keltirilgan. Tajribali uchuvchilar kursant va yosh harbiy uchuvchilarni yo'riqnomalar bilan tanishtirmoqda. Yo'riqchilar esa harbiy uchoqni samoga ko'tarish va qo'ndirish, parvonisi amalga oshirishda ahamiyat berilishi lozim bo'lgan holatlarga urg'u berib, yerdagi mashg'ulotlarni o'tkazmoqda.

– Bugun tayyorgarlik jarayoni, – deydi kursant G'aybullo Dadajonov. – Ko'rib turganimgiz, bu "L-39" – "Albatros" harbiy o'quv samolyoti. Reaktiv dvigateli bitta bo'lishiga qaramay, quvvati baland. Yuqori tezligi soatiga 900 km. 12 kilometr balandlikka ko'tarila oladi. Odatda, fuqarolik aviatsiyasida Toshkentdan



Xonobodgacha bo'lgan masofa bir yarim soatda bosib o'tilsa, bu samolyotda 40 daqiqada yetib boriladi. Yo'nalgisi 2,5 soatga yetadi. Balandlikda kislordan kamligi uchun kislordan ballonidan foydalaniladi. Himoya shlemi esa radioaloqani ham ta'minlaydi.

Malakali mutaxassislar tomonidan tavsiyalar berilgandan so'ng mashg'ulot rahbari uchishga ruxsat berdi. Birin-ketin harbiy uchoqlar samoga ko'tarila boshladi...

Yerdagi taassurotlarimiz esa samodagi uchuvchilarga hayrat va havasdan iborat edi. Osmonga boqar ekanmiz, dvigatellarning gumburlagan sasi asta-sekin kamayib, uchoqlar qisqa soniyalar ichida ko'zdan g'oyib bo'la boshladi.

Fursatdan foydalanib, aerodrom hududidagi samolyot va vertolyot trenajyorlari bilan tanishdik. Trenajyorlar "Mi-8MT", "Mi-24" vertolyotlari va harbiy samolyotlarida dastlabki uchish ko'nikmalarini o'rganish uchun mo'ljallangan. Ushbu majmuaviy trenajyorlar Ruminiya davlatida ishlab chiqarilgan bo'lib, unda harbiy uchuvchilar, borttexniklar hafta



mobaynida mashg'ulotlar o'taydi, parvozga oid tajribalarini mustahkamlab boradi.

Shundan so'ng qiziqish ustun kelib, O'zbekiston Respublikasi Harbiy aviatsiya instituti faoliyati bilan yaqindan tanishish maqsadida yo'l oldik. Ushbu ta'lim muassasasi 1994-yili Jizzax oliy magistratura va doktorantura bosqichlarini ochish uchun imkoniyat yaratildi. – deydi polkovnik Hikmatulla Do'stmatov. – Ta'lim bosqichimiz boshqa oliygo'llar singari 5 yillikdan 4 yillikka o'tkazildi. Ilmiiy pedagogik kadrlar tayyorlash imkoniyati cheklangandi. Institut maqomini olganimizdan so'ng ushbu imkoniyatga ega bo'ldik. O'tgan yillar mobaynida ilmiy salohiyatimiz 47 foizni tashkil etgan bo'lsa, joriy yilga kelib bu ko'rsatkich 52,5 foizga yetdi.

Harbiy aviatsiya instituti o'quv hamda mashg'ulot binolari, zamonaviy trenajyorlar, uskunalar, ilg'or xabrot texnologiyalari bilan to'liq jihozlangan. Bu kursantlarga Xonobod aerodromida harbiy havo kemalarini boshqarish va ularga texnik xizmat ko'rsatish bo'yicha mashg'ulotlar olib borish hamda bevosita o'quv poligonlarida ishtirok etish imkonini bermoqda.

Institutda xorij muassasalari bilan qo'shma ta'lim dasturlari asosida tajriba tariqasida uchuvchisiz qurilmalar yig'ish ham yo'lga qo'yilmoqda. Harbiy aviatsiya institutida olib borilayotgan bu kabi yangiliklar Vatan xizmatiga shay yetuk mutaxassis kadrlarni tayyorlashda muhim omil bo'lmoqda va shu bilan birga mazkur dargoh havo mudofaasini yangi pog'onaga ko'tarishga munosib hissa qo'shib kelayotir.

Sherzod EGAMBERDIYEV, jurnalist.

O'zbekiston Transport vazirligi Xitoy, Rossiya, Qozog'iston, Qirg'iziston va Tojikiston bilan xalqaro avtobus yo'nalishlari tarmog'ini kengaytirishni rejalashtirmoqda.

Xalq so'zi
Narodnoe slovo

MUASSISLAR:
O'zbekiston Respublikasi Oliy Majlisi Qonunchilik palatasi Kengashi
O'zbekiston Respublikasi Oliy Majlisi Senati Kengashi

2020-yil 25-marta O'zbekiston Respublikasi Prezidenti Administratsiyasi huzuridagi Axborot va ommaviy kommunikatsiyalar agentligida 0001-raqam bilan ro'yxatga olingan. Nashr indeksi – 229. Buyurtma G-142. 12 830 nusxada bosildi. Hajmi – 2 taboq. Ofset usulida bosilgan. Qog'oz bichimi A-2. Bahosi kelishilgan narxda.

Gazetamiz haqidagi ma'lumotlarni yuksak olish uchun QR-kodni telefoningiz orqali skaner qiling.

TELEFONLAR:
Devonxonaa 71-259-74-51; Kotibxona 71-259-74-53; e'lonlar 71-259-74-55.

Bosh muharrir O'ktir RAHMAT

Tahriratga kelgan qo'lyozmalar taqzir qilinmaydi va muallifga qaytarilmaydi.

Gazetaning yetkazib berilishi uchun obunani rasmiylashtirgan tashkilot javobgar.

Gazeta tahririyat kompyuter markazida terildi hamda operator M. Begmatov tomonidan sahifalandi.

Gazetaning poligrafik jihozdan sifati chop etilishiga "Sharq" nashriyot-matbaa aksiyadorlik kompaniyasi mas'ul. Bosmaxsona telefoni: 71-233-11-07.

"Sharq" nashriyot-matbaa aksiyadorlik kompaniyasi bosmaxsonasi. Korxonaa manzili: Buyuk Turon ko'chasi, 41. O'ZA yakuni – 21.10 Topshirildi – 23.30 1 2 3 4 5 6

MANZILIMIZ:
100066,
Toshkent shahri,
Islom Karimov ko'chasi, 55-uy.
Navbatchi muharrir A. Norqulov.
Musahhah S. Islomov.